



Nezavisna komisija za praćenje uslova boravka u zavodima,  
postupanje i poštivanje ljudskih prava lica nad kojima se izvršavaju krivične sankcije  
i druge mjere koje je izrekao u krivičnom postupku Sud Bosne i Hercegovine,  
strani sudovi za djela predviđena Krivičnim zakonom Bosne i Hercegovine  
ili međunarodnim ugovorom čiji je potpisnik Bosna i Hercegovina  
ili drugi sud u skladu sa zakonom Bosne i Hercegovine

---

Broj: 05/6-50-13-182-33-3/13  
Sarajevo, 22.7.2013.

## Z A P I S N I K

**33. sjednice Nezavisne komisije za praćenje uslova boravka u zavodima,  
postupanje i poštivanje ljudskih prava lica nad kojima se izvršavaju krivične sankcije i  
druge mjere koje je izrekao u krivičnom postupku Sud Bosne i Hercegovine, strani  
sudovi za djela predviđena Krivičnim zakonom Bosne i Hercegovine ili međunarodnim  
ugovorom čija je potpisnica Bosna i Hercegovina ili drugi sud u skladu sa zakonom  
Bosne i Hercegovine (u daljnjem tekstu: Nezavisna komisija)**

Sjednica je održana u Sarajevu, 22.7.2013., s početkom u 9 sati.

**PRISUTNI ČLANOVI NEZAVISNE KOMISIJE:** Mile Lasić, predsjednik, Semiha Borovac, prva zamjenica predsjednika, Predrag Crnogorac, drugi zamjenik predsjednika, i Damir Čačković, član.

**OPRAVDANO ODSUTNI:** Milana Škipina, članica.

**OSTALI PRISUTNI:** Ivana Lovrić, koja obavlja poslove sekretara Nezavisne komisije.

Sjednicu je pratio i Zoran Brkić iz Sektora za odnose s javnošću Sekretarijata Parlamentarne skupštine BiH.

Sjednicu je sazvaio Mile Lasić, predsjednik Nezavisne komisije. Nakon što je konstatirao da postoji kvorum za rad, otvorio je 33. sjednicu.

Nezavisna komisija je jednoglasno, uz dopunu podtač. b) i c) u okviru *Tekućih pitanja*, usvojila sljedeći

## **DNEVNI RED**

1. Usvajanje Zapisnika 32. sjednice Nezavisne komisije;
2. Utvrđivanje finansijskog plana i programa Nezavisne komisije za 2014. godinu;
3. Informacija o usvajanju Godišnjeg izvještaja o radu Nezavisne komisije za 2012. godinu na 49. sjednici Predstavničkog doma Parlamentarne skupštine BiH koja je održana 8.7.2013.;
4. Rezultati istraživanja Istraživačkog sektora Parlamentarne skupštine BiH, broj: 03/10-50-19-121-23/13, od 28.6.2013., a u vezi sa zahtjevom koji je Nezavisna komisija uputila 8.5.2013.;
5. Tekuća pitanja:
  - a) Utvrđivanje Plana aktivnosti za august 2013. godine,
  - b) Dopis Ministarstva pravde BiH, broj: 06-07-26-7215/13 od 17. 7. 2013., a zaprimljeno 18. 7. 2013., broj: 01-50-1-15-49/13 u vezi poslaničkog pitanja poslanika Zijada Jagodića sa 49. sjednice Predstavničkog doma Parlamentarne skupštine BiH,
  - c) Predstavka zatvorenika KPZ-a Banja Luka, broj: 04-247-4176, od 11.7.2013., a zaprimljena 16.7.2013.godine

### **Ad.1. Usvajanje Zapisnika 32. sjednice Nezavisne komisije**

Zapisnik 32. sjednice Nezavisne komisije usvojen je jednoglasno, uz konstataciju da je planirana posjeta KPZ-u Istočno Sarajevo „Kula“ najavljena i realizirana 22.7.2013.

### **Ad.2. Utvrđivanje finansijskog plana i programa Nezavisne komisije za 2014. godinu**

Nakon detaljne analize budžeta za 2013. godinu i razmatranja Finansijskog plana i programa Nezavisne komisije za 2014. godinu, naglašeno je da je postupljeno u skladu s Instrukcijom za izradu projekcije budžeta za 2014. godinu kojom je sugerirano svim korisnicima da ulazni parametri budu u okviru usvojenog budžeta za 2013. godinu.

Finansijski plan i program Nezavisne komisije za 2014. godinu jednoglasno je usvojen u iznosu od 125.500,00 KM

### **Ad.3. Informacija o usvajanju Godišnjeg izvještaja o radu Nezavisne komisije za 2012. godinu na 49. sjednici Predstavničkog doma Parlamentarne skupštine BiH koja je održana 8.7.2013.**

U vezi s ovom tačkom dnevnog reda, predsjednik Nezavisne komisije informirao je ostale članove o prisustvu 49. sjednici Predstavničkog doma Parlamentarne skupštine BiH koja je održana 8.7.2013., a na kojoj je usvojen Godišnji izvještaj Nezavisne komisije za 2012.

godinu. Također, obavijestio je prisutne članove da je primio poziv za 31. sjednicu Doma naroda Parlamentarne skupštine BiH, koja će biti održana 23.7.2013. i na kojoj će se, također, razmatrati Izvještaj Nezavisne komisije za 2012. godinu. Dogovoreno je da će predsjednik Mile Lasić ispred Nezavisne komisije biti izvjestilac na toj sjednici

**Ad.4. Rezultati istraživanja Istraživačkog sektora Parlamentarne skupštine BiH, broj: 03/10-50-19-121-23/13, od 28.6.2013., a u vezi sa zahtjevom koji je Nezavisna komisija uputila 8.5.2013.**

U okviru ove tačke dnevnog reda članovi Nezavisne komisije primili su k znanju rezultate istraživanja Istraživačkog sektora Parlamentarne skupštine BiH.

**Ad.5. Tekuća pitanja**

**a) Utvrđivanje Plana aktivnosti za august 2013. godine**

U vezi s ovom podtačkom dnevnog reda, članovi Nezavisne komisije jednoglasno su dogovorili da će sljedeću posjetu KPZ-u Busovača realizovati nakon godišnjih odmora.

**b) Dopis Ministarstva pravde BiH, broj: 06-07-26-7215/13 od 17. 7. 2013., a zaprimljeno 18. 7. 2013., broj: 01-50-1-15-49/13 u vezi poslaničkog pitanja poslanika Zijada Jagodića sa 49. sjednice Predstavničkog doma Parlamentarne skupštine BiH,**

U vezi s ovom podtočkom dnevnoga reda, Nezavisna komisija je primila k znanju dopis Ministarstva pravde BiH koji se odnosi na postavljeno poslaničko pitanje poslanika Zijada Jagodića u pogledu Preporuka iz Izvještaja Nezavisne komisije za 2012. godinu i konstatirala da će odgovoriti u previđenom roku.

**c) Predstavka zatvorenika KPZ-a Banja Luka, broj: 04-247- 4176, od 11.7.2013., a zaprimljena 16.7.2013. godine**

U vezi s ovom podtačkom dnevnog reda, Nezavisna komisija primila je k znanju predstavku zatvorenika KPZ-a Banja Luka i donijela zaključak da će povodom navedene predstavke 24.7.2013. nenajavljeno posjetiti KPZ Banja Luka, te usvojila Radni nalog za taj posjet.

Predsjednik Nezavisne komisije Mile Lasić zaključio je sjednicu u 11 sati.

**SEKRETAR**  
**NEZAVISNE KOMISIJE**

Ivana Lovrić

**PREDSJEDNIK**  
**NEZAVISNE KOMISIJE**

dr. sc. Mile Lasić